



საქართველო

აჭარის ავტონომიური რესპუბლიკის უმაღლესი საბჭოს საფინანსო-საბიუჯეტო და ეკონომიკურ საკითხთა კომისია

ტელ : (+995 032) 228 54 48, ელ.ფოსტა contact@sca.ge, ჩაქვი, ბ.მეგენიშვილის ქ. N25

აჭარის ავტონომიური რესპუბლიკის
უმაღლესი საბჭოს აპარატის საორგანიზაციო
და საქმისწარმოების დეპარტამენტის უფროსს
ბატონ გიორგი ბერიძეს

ბატონო გიორგი,

აჭარის ავტონომიური რესპუბლიკის კონსტიტუციის 23-ე და აჭარის ავტონომიური რესპუბლიკის უმაღლესი საბჭოს რეგლამენტის 76-ე მუხლების საფუძველზე წარმოგიდგენთ საფინანსო-საბიუჯეტო და ეკონომიკურ საკითხთა კომისიის მიერ საკანონმდებლო ინიციატივის წესით მომზადებულ “აჭარის ავტონომიური რესპუბლიკის უმაღლესი საბჭოს 2018 წლის ბიუჯეტის პროექტის დამტკიცების შესახებ” აჭარის ავტონომიური რესპუბლიკის უმაღლესი საბჭოს დადგენილების პროექტს.

გთხოვთ, უზრუნველყოთ დადგენილების პროექტის განხილვის პროცედურის დაწყება (გამარტივებული წესით).

დანართი 5 ფურცელი

პატივისცემით,

კომისიის თავმჯდომარე

გიორგი რომანძე



აჭარის ავტონომიური რესპუბლიკის
უმაღლესი საბჭოს
დადგენილება

აჭარის ავტონომიური რესპუბლიკის უმაღლესი საბჭოს
2018 წლის ბიუჯეტის პროექტის დამტკიცების შესახებ

აჭარის ავტონომიური რესპუბლიკის უმაღლესი საბჭო ადგენს:

1. „აჭარის ავტონომიური რესპუბლიკის საბიუჯეტო პროცესისა და უფლებამოსილებათა შესახებ“ აჭარის ავტონომიური რესპუბლიკის კანონის 26-ე მუხლის მე-2 პუნქტისა და აჭარის ავტონომიური რესპუბლიკის უმაღლესი საბჭოს რეგლამენტის 138¹ მუხლის პირველი პუნქტის შესაბამისად, დამტკიცდეს აჭარის ავტონომიური რესპუბლიკის უმაღლესი საბჭოს 2018 წლის ბიუჯეტის პროექტი.
2. უმაღლესი საბჭოს 2018 წლის ბიუჯეტის პროექტი განისაზღვროს **4 846,8** ათასი ლარის ოდენობით, მათ შორის:
 - ა) ხარჯები **4 831,8** ათასი ლარი;
 - ა.ა) შრომის ანაზღაურება **3 464,0** ათასი ლარი;
 - ბ) არაფინანსური აქტივების ზრდა **15,0** ათასი ლარი.
 3. უმაღლესი საბჭოს მომუშავეთა რიცხოვნება განისაზღვროს 125 სამტატო ერთეულით.
 4. აღნიშნული დადგენილებით განსაზღვრული თანხები გათვალისწინებული იქნეს „აჭარის ავტონომიური რესპუბლიკის 2018 წლის რესპუბლიკური ბიუჯეტის შესახებ“ აჭარის ავტონომიური რესპუბლიკის კანონის პროექტში.
 5. დადგენილება ამოქმედდეს მიღებისთანავე.

აჭარის ავტონომიური რესპუბლიკის
უმაღლესი საბჭოს თავმჯდომარე

დავით გაბაიძე

ჩაქვი

-- მაისი 2017წ.

№ უ.ს.გ.ს

ა. თოქ

გ ა ნ მ ა რ ტ ე ბ ი თ ი ბ ა რ ა თ ი

**„აჭარის ავტონომიური რესპუბლიკის უმაღლესი საბჭოს
დადგენილების პროექტზე „აჭარის ავტონომიური რესპუბლიკის
უმაღლესი საბჭოს 2018 წლის ბიუჯეტის პროექტის დამტკიცების შესახებ“**

ა) ზოგადი ინფორმაცია დადგენილების პროექტის შესახებ:

ა.ა) დადგენილების პროექტის მიღების მიზეზი

დადგენილების მიღება განპირობებულია აჭარის ავტონომიური რესპუბლიკის კანონის „აჭარის ავტონომიური რესპუბლიკის საბიუჯეტო პროცესისა და უფლებამოსილებათა შესახებ“ 26-ე მუხლის მე-2 პუნქტით („2. უმაღლესი საბჭოს ბიუჯეტის პროექტის ფორმირებას და მთავრობისათვის წარდგენას უზრუნველყოფს უმაღლესი საბჭო, არაუგვიანეს 1 ივნისისა. უმაღლესი საბჭოს ბიუჯეტის პროექტი მტკიცდება უმაღლესი საბჭოს სხდომაზე, დადგენილებით.“).

პროექტის საფუძველია უმაღლესი საბჭოს აპარატის 2017 წლის 3 მაისის N1272 წერილი უმაღლესი საბჭოს თავმჯდომარის რეზოლუციით.

ა.ბ) დადგენილების მიზანი

დადგენილება შემუშავებულია უმაღლესი საბჭოს 2018 წლის გადასახდელების დაფინანსების უზრუნველყოფისათვის.

ა.გ) დადგენილების ძირითადი არსი

დადგენილებით ხორციელდება უმაღლესი საბჭოს 2018 წლის გადასახდელების დაფინანსების მოცულობის განსაზღვრა ცალკეული მუხლების მიხედვით.

ათასი ლარი

	2016 წ. ფაქტი	2017 წ. დამტკიც.	2018 წ. პროექტი	მატება (- კლება) 2017 წ.-თან
უმაღლესი საბჭოს ბიუჯეტი	4957.0	4846,8	4846,8	0
მომუშავეთა რიცხოვნობა	125	125	125	0
ხარჯები	4947.0	4831,8	4831,8	0
შრომის ანაზღაურება	3478.3	3464,0	3464,4	0
არაფინანსური აქტივები	10.0	15.0	15,0	0
ვალდებულებების კლება	0.0	0.0	0	0

ბ) დადგენილების პროექტის ფინანსური დასაბუთება:

ბ.ა) დადგენილების პროექტის მიღებასთან დაკავშირებით აუცილებელი ხარჯების დაფინანსების წყარო დაფინანსების წყაროა აჭარის ავტონომიური რესპუბლიკის რესპუბლიკური ბიუჯეტის სახსრები.

ბ.ბ) დადგენილების პროექტის გავლენა აჭარის ავტონომიური რესპუბლიკის რესპუბლიკური ბიუჯეტის საშემოსავლო ნაწილზე

დადგენილების პროექტის მიღება გავლენას არ მოახდენს მიმდინარე წლის ბიუჯეტის საშემოსავლო ნაწილზე.

ბ.გ) დადგენილების პროექტის გავლენა აჭარის ავტონომიური რესპუბლიკის რესპუბლიკური ბიუჯეტის ხარჯვით ნაწილზე

დადგენილების პროექტის მიღება გავლენას არ მოახდენს მიმდინარე წლის ბიუჯეტის ხარჯვით ნაწილზე.

ბ.დ) აჭარის ავტონომიური რესპუბლიკის ახალი ფინანსური ვალდებულებები დადგენილების პროექტის მიღება არ წარმოშობს ახალ ფინანსურ ვალდებულებებს.

ბ.ე) დადგენილების პროექტის მოსალოდნელი ფინანსური შედეგები იმ პირობით, რომელთა მიმართაც ვრცელდება დადგენილების პროექტის მოქმედება

დადგენილების პროექტის მიღება მომავალი წლისათვის არ იქონიებს უარყოფით გავლენას საშტატო ერთეულით გათვალისწინებულ მოსამსახურეებზე.

გ) დადგენილების პროექტის მომზადების პროცესში მიღებული კონსულტაციები:

გ.ა) სახელმწიფო, არასახელმწიფო ან/და საერთაშორისო ორგანიზაცია/დაწესებულება, ექსპერტები, რომლებმაც მონაწილეობა მიიღეს კანონის პროექტის შემუშავებაში, ასეთის არსებობის შემთხვევაში

დადგენილების პროექტის მომზადების პროცესში კონსულტაციები არ არის მიღებული

გ.ბ) დადგენილების პროექტის შემუშავებაში მონაწილე ორგანიზაციის (დაწესებულების) ან/და ექსპერტის შეფასება დადგენილების პროექტის მიმართ, ასეთის არსებობის შემთხვევაში

ასეთი არ არსებობს

დ) დადგენილების პროექტის ავტორი

დადგენილების პროექტის ავტორია აჭარის ავტონომიური რესპუბლიკის უმაღლესი საბჭოს საფინანსო-საბიუჯეტო და ეკონომიკურ საკითხთა კომისია.

ე) დადგენილების პროექტის ინიციატორი

დადგენილების პროექტის ინიციატორია აჭარის ავტონომიური რესპუბლიკის უმაღლესი საბჭოს საფინანსო-საბიუჯეტო და ეკონომიკურ საკითხთა კომისია.

ა მ ო ნ ა წ ე რ ი

აჭარის ავტონომიური რესპუბლიკის უმაღლესი საბჭოს
საფინანსო-საბიუჯეტო და ეკონომიკურ საკითხთა კომისიის
2017 წლის 8 მაისის სხდომის №5 ოქმიდან

მოისმინეს:

გიორგი რომანაძის მოხსენება აჭარის ავტონომიური რესპუბლიკის უმაღლესი საბჭოს დადგენილების პროექტზე - „აჭარის ავტონომიური რესპუბლიკის უმაღლესი საბჭოს 2018 წლის ბიუჯეტის პროექტის დამტკიცების შესახებ“. მომხსენებელმა აღნიშნა, რომ საკანონმდებლო ინიციატივის დაწყების საფუძველი არის უმაღლესი საბჭოს აპარატის უფროსის 2017 წლის 3 მაისის N1272 წერილი.

აზრი გამოთქვას:

გ.მანველიძემ, ვ.წულაძემ, დ.თედორაძემ, გ.აბულაძემ.

გადაწყვიტეს:

დაიწყოს საკანონმდებლო ინიციატივა გამარტივებული წესით აჭარის ავტონომიური რესპუბლიკის უმაღლესი საბჭოს დადგენილების პროექტზე - „აჭარის ავტონომიური რესპუბლიკის უმაღლესი საბჭოს 2018 წლის ბიუჯეტის პროექტის დამტკიცების შესახებ“.

კომისიის თავმჯდომარე

 გიორგი რომანაძე




საქართველო

აჭარის ავტონომიური რესპუბლიკის უმაღლესი საბჭოს საფინანსო-საბიუჯეტო და ეკონომიკურ საკითხთა კომისია

დასკვნა

აჭარის ავტონომიური რესპუბლიკის უმაღლესი საბჭოს საფინანსო-საბიუჯეტო და ეკონომიკურ საკითხთა კომისიამ 2017 წლის 8 მაისის სხდომაზე, აჭარის ავტონომიური რესპუბლიკის უმაღლესი საბჭოს რეგლამენტის 138¹ მუხლის მე-3 პუნქტის შესაბამისად, განიხილა „აჭარის ავტონომიური რესპუბლიკის უმაღლესი საბჭოს 2018 წლის ბიუჯეტის პროექტი“. საფინანსო-საბიუჯეტო და ეკონომიკურ საკითხთა კომისია ეთანხმება „აჭარის ავტონომიური რესპუბლიკის უმაღლესი საბჭოს 2018 წლის ბიუჯეტის პროექტს“ და მიზანშეწონილად მიაჩნია განსახილველად გადაეცეს უმაღლესი საბჭოს ბიუროს.

კომისიის თავმჯდომარე

 გიორგი რომანაძე